



ПРЕЗИДЕНТ

ЖОҒАРЫ СОТ КЕҢЕСІНІҢ ТӨРАҒАСЫН ҚАБЫЛДАДЫ

Президент Жоғары сот кеңесінің төрағасы Денис Шиппті қабылдады.

Мемлекет басшысына Жоғары сот кеңесінің 2023 жылы атқарған қызметінің қорытындысы, еліміздегі судьялар корпусының қазіргі жай-күйі және алдағы кезеңге арналған жоспары жөнінде баяндалды.

Денис Шипптің айтуынша, Кеңес былтыр Мемлекет басшысы жүктеген бірқатар міндетті жүзеге асырған. Атап айтқанда, Жоғары сот кеңесін институционалдық тұрғыда күшейту және судья болуға үміткерлерді дайындау, біліктілігін көтеру, олардың шекті жасын ұзарту, өкілеттіктерін уақытша тоқтату немесе мүлде тоқтату мәселелерін аталған органның құзыретіне беру жұмыстары атқарылған.

Қасым-Жомарт Тоқаевқа Кеңестің судьяларды іріктеу тәртібін жетілдіру, ашықтық пен тиімділікті қамтамасыз ету жұмыстары туралы мәлімет берілді. Қабылданған шаралардың нәтижесінде жаңадан тағайындалған судьялардың қатарын көбейту үрдісі сақталып отыр. Былтыр судья лауазымына алғаш рет ұсынылған азаматтардың саны сот жүйесінен кеткендерге қарағанда 32 адамға артық болды. Гендерлік тұрғыдан әйел судьялардың саны ер адамдармен салыстырғанда 172 адамға көп. Судьялардың орташа жас мөлшері – 46 жас, ал еңбек өтілі – 13 жыл.

Іріктеу барысында ашықтық пен жариялылықты қамтамасыз ету үшін конкурс рәсімдерін онлайн-трансляция жасау және оның қорытындысы туралы егжей-тегжейлі түсініктеме беру тәжірибесі алғаш рет енгізілді. Сонымен қатар өткен жылы Парламент Сенатының қарауына енгізу үшін Мемлекет басшысына Жоғарғы Сот судьяларының лауазымына үміткерлер тізімі бірінші рет балама негізде ұсынылды.

Бұдан бөлек, аудандық сот төрағаларын сайлау тәртібіне жана элементтердің енгізілуіне байланысты Президентке судья лауазымы үшін кадрлық резерв жасақтау институтының ролі күшейтілгені жөнінде ақпарат берілді.

Қазіргі таңда шешім шығару барысында судьялардың заңды өрескел бұзғаны үшін күші жойылған әрбір сот актісін Сот жюриінің тексеру механизмін заң жүзінде енгізу жұмыстары жүргізіліп жатыр.

Кездесу соңында Қасым-Жомарт Тоқаев судьялардың тәуелсіздігін күшейтуге және оларды сапалы түрде іріктеуге бағытталған реформаларды тиімді жүзеге асыру жұмыстарын жалғастыруды тапсырды.

АУДИТОРЛЫҚ ТЕКСЕРУ ТУРАЛЫ МӘЛІМЕТ

Мемлекет басшысы Жоғары аудиторлық палата төрағасы Наталья Годунованы қабылдады.

Мемлекет басшысына Жоғары аудиторлық палатаның былтыр атқарған жұмысы туралы есеп беріліп, алдағы кезеңге арналған жоспары баяндалды.

Наталья Годунованың айтуынша, есеп беріліп отырған кезең ішінде 19,5 триллион теңгеге жуық бюджет қаржысы бойынша 208 нысанға 20 аудиторлық тексеріс жүргізілген.

Сонымен қатар Президентке өткен жылдың 4-тоқсанында аяқталған жекелеген аудиторлық тексеру жұмыстарының қорытындысы жөнінде мәлімет берілді.

Кездесу соңында Қасым-Жомарт Тоқаев мемлекет ресурсының жұмсалыу тиімділігін одан әрі арттыруға, сондай-ақ Жоғары аудиторлық палатаның жаңа өкілеттіктерін іске асыруға қатысты бірқатар нақты тапсырма берді.

ҰЛТТЫҚ БАСЫЛЫМ КҮНІМЕН ҚҰТТЫҚТАДЫ

Мемлекет басшысы Қасым-Жомарт Тоқаев Ұлттық басылым күнімен құттықтады.

«Құрметті баспасөз қызметкерлері! Баршаңызды Ұлттық басылым күнімен шын жүректен құттықтаймын!

Сонау 1913 жылы, дәл осы күні еліміздің баспасөз саласының бастауында тұрған «Қазақ» газетінің алғашқы саны жарық көрді. Халқымыздың біртуар перзенттері – Алаш арыстары шығарған бұл басылым сындарлы сәттерде ұлтты ұйыстыруға айрықша ықпал етті.

Сөз бостандығына адалдығынан айнымаған басылымдар әрдайым шынайы ақпараттың және сапалы сараптамамен қайнар көзі болып қала береді. Газет-журналдар замана тынысын дөп басып, мемлекет пен қоғамдағы қордаланған мәселелерді көтереді, түрлі көзқарастағы ой-пікірлерді жарыққа шығарады. Сондай-ақ жалпы адамзатқа ортақ ізгі құндылықтарды дәріптейді.

Баспасөз қызметкерлері кәсіби біліктіліктің, отанышылдық пен жауапкершіліктің озық үлгісін көрсетіп келеді. Біздің басылымдарымыз халықтың бірлігін нығайтуға атсалысып, Әділетті Қазақстанды құру ісіне елеулі үлес қоса береді деп сенемін.

Сіздерге зор денсаулық, бақ-береке және шығармашылық шабыт тілеймін!» делінген құттықтауда.



Фото: Аиша Әбіраманов

ОБЛЫСТЫҢ ЖАҢА ПРОКУРОРЫ ТАНЫСТЫРЫЛДЫ

Облыс әкімі Нұрлыбек Нәлібаев облыс прокуратурасында болып, өңірге жаңадан тағайындалған прокурорды таныстырды.

Мейрамгүл ДАУЫЛБАЙҚЫЗЫ,
«Сыр бойы»

Бас прокурордың өкімімен және ҚР Президентінің келісімімен Қызылорда

облысы прокуратурасының жаңа басшысы болып үшінші сыныпты мемлекеттік әділет

кеңесшісі Ризабек Ожаров тағайындалды. ҚР Бас прокурорының орынбасары Әсет Шындалиев Р.Ожаровты облыстық прокуратура ұжымына таныстыра келе алдағы жұмысына сәттілік тіледі.

– Ризабек Кәрімұлы қызметтің бірнеше сатысынан өткен. Оның тікелей қатысуымен Қордайдағы жаппай тәртіп-

сіздік, Қостанай облысындағы орман өрті секілді күрделі және резонансты істер тергелді. Ризабек Кәрімұлының жаңа лауазымда абыроймен қызмет атқаратынына сенімдімін, – делі о.

Аймақ басшысы прокуратура органдарының қоғам өміріндегі маңызды ролін, алдағы міндеттерді атап өтті.

2-бет

ХАЛЫҚ ЖӘНЕ НАРЫҚ



Фото: Аиша Әбіраманов

БАҒА

қайда барады?

ШЕКТІ БАҒА ШЕТІН ҚАЛҒАЛЫ ТҰР

Тапқан табысының жартысынан астамын тамаққа жұмсайтын қазақстандықтар жыл басталғалы қымбатшылықтың екі бүйірден қысып баратынына наразы. Ұлттық статистика бюросының ресми сайтындағы мәліметке зер салсақ, өткен жылғы желтоқсанмен салыстырғанда күріш бағасы 34,3%, минералды және ауызсу 18,4%, консервіленген сүт 16,9%, алкогольді ішімдіктер және темекі өнімдері 15,6%, майлылығы 2,5% айран мен жұмыртқа 13,4%-дан, сарымай 13,3%, пастерленген сүт пен жаңа жиналған жемістер мен көкөністер 12,8%, тоқаш және ұннан дайындалатын өнімдер 12,3%, балық және теңіз өнімдері 12,1%, кондитерлік өнімдер 10,7% өскен. Ал қарақұмық жармасы 22,6%, күнбағыс майы 18%, құмшекер 15,8% төмендегені байқалған.

Айсәуле ҚАРАПАЕВА,
«Сыр бойы»

3-бет

АҒАЙЫНДЫЛАР ӨТКЕН АУЫР ЖОЛ

Облыстық тарихи-өлкетану музейінде Алаш қайраткері, ұлт ұстазы Ахмет Байтұрсынның немере туысы Амандық Шәймерденұлымен кездесу өтті. Ол – Байтұрсынның үлкен ағасы Ақтастың немересі.

Кездесуде Ресей империясының Торғай даласындағы отаршылдық саясатына қарсы шыққан Байтұрсын мен Ақтастың абақтыға жабылуы, ұлт ұстазы Ақаңның балалық шағы, мемлекет қайраткері болып қалыптасуы кезеңі туралы естеліктер айтылды.

Биболат СӘТЖАН,
«Сыр бойы»

6-бет



Фото: Аиша Әбіраманов

